



Broj: **03/1-50-14-7-39-9/17**

Sarajevo, 13. 9. 2017.

PREDMET: Informacija o održanom sastanku s delegacijom visokih političkih i vojnih zvaničnika Mijanmara, Sarajevo, 6.7.2017.

Predsjedavajući Zajedničke komisije za odbranu i sigurnost BiH Sifet Podžić i parlamentarni vojni povjerenik BiH Boško Šiljegović razgovarali su 6.7.2017. u Sarajevu s delegacijom visokih političkih i vojnih zvaničnika iz Mijanmara o iskustvima naše zemlje u pogledu provođenja Okvirnog sporazuma za mir u BiH i o pitanjima reforme sektora odbrane i sigurnosti.

Tokom posjete visoke delegacije iz Mijanmara, koju su organizirali Centar za sigurnosne studije u saradnji sa švicarskim Centrom za humanitarni dijalog, Podžić i Šiljegović predstavili su gostima proces reforme sektora odbrane i sigurnosti, koji je, kao najuspješnija poslijeratna reforma u BiH, za rezultat imao stvaranje Oružanih snaga BiH, kao i značajnih policijskih struktura i agencija pri Ministarstvu sigurnosti BiH.

Gosti su se posebno interesirali za tranzicijski proces oblikovanja Oružanih snaga BiH, kao i za status oficira i vojnika u Oružanim snagama BiH. Bilo je riječi i o procesu školovanja pripadnika Oružanih snaga BiH, o njihovom angažmanu u zemlji i inozemstvu, kao i o zaštiti njihovih prava kroz instituciju parlamentarnog vojnog povjerenika, koja je, kako je rečeno, prva i jedina ovakva institucija u državama Zapadnog Balkana.

Predsjedavajući Podžić i povjerenik Šiljegović su poseban akcenat stavili na pitanje parlamentarne kontrole i nadzora u oblastima odbrane i sigurnosti, ističući ulogu Zajedničke komisije za odbranu i sigurnost BiH u tom procesu.

Predsjedavajući Zajedničke komisije

Sifet Podžić

Dostavljeno:

- naslovu
- a/a